

妙諦法音

佛說布施經

法賢譯

南無本師釋迦牟尼佛

自歸於佛	當願眾生	紹隆佛種	發無上意
自歸於法	當願眾生	深入經藏	智慧如海
自歸於僧	當願眾生	統理大眾	一切無礙

佛說布施經

如是我聞：一時，佛在舍衛國祇樹給孤獨園。

與大苾芻眾說：布施法有三十七種：

- ①以信重心，而行布施，當得離眾嫉妬，人所崇敬；
- ②依時施，得三業清淨，四時安隱；
- ③常行施，得身心適悅，無散亂失；
- ④親手施，得手指纖長，身相端正；
- ⑤為他施，復得他人行大捨施；
- ⑥依教施，心離取相，得無為福；
- ⑦以妙色具施，得身色端嚴，眾所愛樂；
- ⑧以上妙香具施，恒得旃檀之香，受用供養；

- ⑨ 以上味施，得味中上味，充益肢體；
- ⑩ 如法尊重施，得安隱快樂，眾人喜見；
- ⑪ 以廣大心施，得無量廣大之福；
- ⑫ 以美食施，得離饑饉，倉庫盈溢；
- ⑬ 以漿飲施，得所往之處，無諸飢渴；
- ⑭ 以衣服施，得上妙衣，莊嚴身相；
- ⑮ 以住處施，得田宅寬廣，樓閣莊嚴；
- ⑯ 以臥具施，得生貴族，資具光潔；
- ⑰ 以象馬車輦施，得四神足，無擁妙用；
- ⑱ 以湯藥施，得安隱快樂，無諸疾病；
- ⑲ 以經法施，得宿命等通；
- ⑳ 以花果施，得七覺支花；
- ㉑ 以花鬘施，得脫貪瞋癡垢；
- ㉒ 以香施，得離煩惱臭穢；
- ㉓ 以傘蓋施，得法自在；

②4 以鈴鐸施，得言音美妙；

②5 以音樂施，得梵音深妙；

②6 以然燈施，得天眼清淨；

②7 以繒綵正帛施，得解脫衣服；

②8 以香水灑如來塔廟、②9 以香水浴如來身、③0 以香油塗飾佛像，共得三十二

相、八十種好；

③1 以香水施浴眾僧，得富貴家生，少病安樂；

③2 以慈心施，得顏貌和悅，無諸瞋恨；

③3 以悲心施，得離殺害；

③4 以喜心施，得無所畏，遠離憂惱；

③5 以捨心施，得離罣礙，證寂滅樂；

③6 以種種施，得種種福；

③7 以無住無相心施，得無上正等正覺。

佛告諸苾芻：如是不三十七種，智者所行，微妙施行，汝今受持。

爾時，舍衛國王白佛言：世尊！我等云何而行布施？

佛言：大王！若求勝妙福報而行施時。慈心不殺，離諸嫉妬。正見相應，遠於不善。堅持禁戒，親近善友。閉惡趣門，開生天路。自利利他，其心平等。若如是施，是真布施，是大福田。

復次，行施，隨自心願，獲其報應：

或以妙色、名香、珍味、軟觸，親手布施，得眾人尊重、眷屬圓滿、富貴安樂之報。

或以飲食布施，而得大力。

或以酥油之燈布施，而得天眼。

或以音樂布施，而得天耳。

或以湯藥布施，而得長壽。

或以住處布施，而得樓閣、田園。

或以法說布施，而得甘露。

佛言：大王！若以十善行施，復得十種報應。而得：①命中夭夭，②財無散失，③眷屬清潔，④所言誠諦，⑤離諸嫉妬，⑥人所喜見，⑦親友和睦，⑧不墮貧賤，⑨顏貌端正，⑩智慧相應。獲報如是。

佛言：大王！若以上妙飲食供養三寶，得五種利益：①身相端嚴，②氣力增盛，③壽命延長，④快樂安隱，⑤成就辯才。

如是，南瞻部洲一切眾生，父母妻子、男女眷屬，如上布施，隨願所求，無不圓滿。

說此法已。皆大歡喜，作禮而退。

佛說布施經

無上妙法喜見聞 以妙色香親手施 必獲相應大果報 三輪體空福無量

受持及讀誦 讚歎並宣說 福慧俱增長 災障悉消除

現眷咸安康 先親得超昇 見聞與隨喜 皆共成佛道



香港新界屯門藍地青山公路18號妙法寺 <https://www.mfbm.hk>
18 Castle Peak Road, Lam Tei, Tuen Mun, N.T., Hong Kong